

潛

山

集

三

卷

一

山

一

詳校官庶吉士臣李傳熊

主事臣呂雲棟覆勘

謄錄貢生 巨張大同

謄錄舉人 巨范翔集

欽定四庫全書

潛山集卷七

五言律

馮深居宰會稽

詔辟稽山縣清風在一琴那知致君術不是字民心官
舍桐陰合園扉草色深退衙人吏散應共野僧吟
送趙寒泉重宰南中邑

宋 釋文珣 撰

字民無異術薄斂與寬刑宓子琴猶在為于歌重聽瘴

金匱口占
卷七
雲消晝黑毒草變春青萬里南中路秋風幾驛亭

錢塘晚渡

殘日下重城寒潮起暮聲岸遙江樹小天闊野雲平一
水分吳越孤舟寄死生如何未歸者猶此計鄉程

泛富春江

夢寐羊裘客清遊樂此邦一篙殘臘雨千古富春江岸
轉青螺合烟明白鳥雙洗除名利跡灘瀨日春撞

釣臺

世祖龍飛日玄纁起故人榮名既無取閒足固應伸釣
石關乾象江流入富春高風千古在來者自迷津

懷寄南陵尉沈道正

南陵初作尉應亦似南昌名在神仙籍才優翰墨場盜
聞無欲止吏化不欺良交舊如君少懷思未易忘

寄潛齋王尚書

自解朝纓去西山有的傳此心如白水把酒問青天直
道難諧俗閒身勝得仙山林鐘鼎味併在小梅邊

客中會友

客塗方浩蕩，歲物正蕭條。
相見江城暮，俱傷鬢髮凋。
陰雲將變雪，寒水不成潮。
明日還為別，離愁未易消。

重遊天台華頂峯

梯空上華頂，老脚尚能堪。
照膽泉源異，薰人藥氣酣。
危巔窺巨浸，晴日破重嵐。
記得前回到，幽人未結庵。
天台三萬丈，華頂入穹蒼。
片石群魔懾，千年古寺荒。
樹枯頽菌出，僧老白眉長。
極目滄溟際，烟波更渺茫。

野興

野人乘野興短策勝華軒
緩步有幽趣長歌非俗言
烟霞僊佛境鼓笛鬼神村
遯世今成樂浮華豈足論

天台野興

短策堪扶老飄飄野興濃
山行不知遠真侶或相逢
積溜穿幽石長蘿上古松
今宵隨處宿難定在何峯

示山友

地僻斷知聞相過知有君
晴溪堪數石晚岫暗通雲
果

金定四庫全書
卷七
熟援無數松高鶴不羣深居豈無事終勝世紛紛

鴈蕩大龍湫

深蹊入薜蘿一瀑瀉巖阿曾閱西天志言居諾詎羅斜
飛疑是雨清激自成渦下有蒼龍窟樵人不敢過

采芎藭

鴈蕩高寒處穿雲採得來豈能同野草容易有花開瘦
節偏宜石繖叢不受埃幽人知爾性曉澗汲泉杯

客袂

客袂只翩翩家林何處邊
天寒愁遠道木落感衰年
慘澹漁村日淒涼鴈渚烟
秋來更多疾空有夢歸田

贈山中琴友

雲影晝沉沉雲邊草徑深
樹為幽鳥宅山是隱人心
靜室無他物清風寄一琴
調高唯自識不問有知音

山中僧

日落西山淨雲歸北崦昏
老僧方在定童子不磨門
伏虎知慈力靈禽演法言
檻前泉數斛清澈是心源

旅夜

秋宵似歲長
旅館更荒涼
燈暗鼠出穴
天寒蟲近床
羈棲彌歲月
老大易悲傷
幸有茅廬在
何為別故鄉

離人厭夜長
獨起坐空床
苦雨遲家信
秋雲隔舊鄉
燭殘重作燄
桂濕不生香
倘得歸期遂
閑居在上方

宿海上正覺寺

霜滿啼猿石
風迴落鴈洲
半生為遠客
此夕欠同流
白月無窮意
滄波不盡秋
倚闌吟未足
長嘯上峯頭

過逸人居

尚此高閑久空林
舊徑存掩關防俗
駕登閣俯鄰園植
竹驚初笋移花過
別根幽懷在自得
勿易與人言

為林隱君賦石田

石田所無用君獨
愛斯名應為詩書
種免教人世爭秋
風還自穫春雨不
須耕除是長沮輩
能知高隱情

胡逸人幽居

幽居清絕甚四面
盡滄波柳步春船
集花源晚吹和宦

情垂釣薄吟思捲簾多便有書來辟其如愛此何

澤國幽居夏日雜題

澤國無裨暑幽居趣自長
花開殊旦暮稻熟間青黃
急雨分塍下微風度水涼
斷除車馬跡日日聽魚糧

為得近樵漁來尋此地居
省交長閉戶耽靜欲焚書
自愛心清淡人嫌禮貌踈
徑荒從草沒衰懶不能除

遠遊

林憩無完室舟行避惡灘
異鄉為客久浮俗定交難
草

引春愁長霜侵曉夢殘忽聞城角動歸思若為安

客中春日

客處空林下貧唯七尺單重陰迷曉色細雨作春寒鄉
信憑誰寄離情強自寬一詩吟未穩倚遍石池欄

春日

春泉青似澱春嶂碧于螺遠近隨吾意芒屨幽興多人
生行樂爾富貴復如何難與時人道風前獨放歌

麥秋遊興

心喜麥秋晴貪遊舉步輕
沈寥無點翳山水有餘清
怕入紅欄隊來尋白社盟
應門童子熟認得老夫聲

宋氏林園

徑穿荒草入門向斷河開
不是君居此應無人到來
種花逢雨活接樹待春回
冷咲求名者衣間有俗埃

集奉川道中

一路盤雲遠連朝策瘦筇
神祠依古木佛屋占竒峰
立石分田界疏泉作澗春
因思似鄉土歸意忽然濃

雨夜

身同水上萍老去尚飄零
遠客誰到空床夢獨醒
閃雲雙電紫晦雨一燈青
慷慨長歌發歌聲入杳冥

登太白絕頂龍池望遠

蒼莽勢連空躋攀徑絕蹤
亂峰排似戟片石響於鐘
鳥語春雲密龍歸暮雨重
下觀羣岫小始覺此為宗

湖寺上方通玄峰頂

峰頂非人世青山滿目多
塔層侵樹影鐘響度湖波
心